



SULEQATIGIISITSISUT
SAMARBEJDSPARTIET
UPA2019/53
Tillie Martinussen

11. april 2019 – Siullermeerneqarnera

Arnat naartusut erninissaannut sapaatip akunneri sisamaannangortut tagginneqarneraniit naartunerminnut atatillugu sulinngiffeqartalernissaat pillugu Naartunermi, erninermi meeravissiarthaarnermilu sulinngiffeqartarneq ullormusiaqartarnerlu pillugit Inatsisartut inatsisaata nr. 14-p, 7. december 2009-imeersup allannguutissaanik saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Randi Vestergaard Evaldsen, Demokraatit)

Nuannaraarput tusarlugu Naalackersuisut pilersaaruteqartut naartunermut atatillugu sulinngiffeqartarnermut immikkoortoq itisuumik suliarilluakkamillu inatsisiliuunniallugu, tamannami pisariaqarmat.

Sualummik nuannaarutigaarput suliarineqarmat sulinngiffeqartarnissap pisinnaatitaaffiunissaa, anaangortussat erniartorlutik aallassatillugit.

Paarlattuanilli uggornarpoq soorlu Aasianni juumooqartussaanginnera ernisoqarsinnaassannginneralu, kingullermik tusakkatsit.

Tamatununga pissutaavoq ernisarfinni sulisussanik sulisussarsinnaasimannginneq, taamaattumik Naalackersuisut kaammattorusuppagut atorfinitsitsinnaanermut aporfiusinnaasut suqaluartulluunniit paaqqullugit - avataaneersut suliarorsinnaaqqullugit aamma - peqqinnissaqarfiup iluani tamarmi inunnillu isumaginninnerup iluani sulisussanik amingaateqarlunnaqqissaaratta.

Naartusut sulinngiffeqartarnissaat uterfigigutsigu aamma malittarisassat tassunga tunngasut, taava pisariaqartinneqarpoq tamakkiisumik iluarsartuussisoqarnissaa aamma Naalackersuisunut kaammattuutigissavarput qularnaaqqullugu partiit tamarmik soqutigisaqaqatigiillu suleqataatinneqarnissaa, taamaasilluta anguniassagatsigu erninermut atatillugu sulinngiffeqartarnerup iluani sapinngisamik amerlanerpaat akuerisaannik suliarilluakkamillu iluarsartuussisoqarnissaanissaa taamaalilluta qularnaarlugu inatsisip piumaallallutalu allanngortinneqartannginnissaa.

Naggataatigut Naalackersuisut naggataarutaasumik oqaaseqarnissaannut atatillugu nassualaaqqarput suliap naammassisap politikikkut Inatsisartuni oqallisigineqarnissaata pinissaa qaqugu naatsorsuutigisinnaassaneripput?

Taamatut naatsumik oqaaseqarluta inassutigaarput siunnersuut itigartinneqassasoq pineqartup suliaassartaa maannakkut ingerlanneqareermat. Taamaakkaluartorli Naalackersuisut kaammattussavagut suliami aggersumi manna siunnersuut ilannguteqqullugu qularnaarlugulu maani Inimi sapinngisamik amerlanerpaat isumaqatigiissuteqarsinnaanissaat.